

ԻՐԱԴՐՈՒԹԻՒՆԸ ՀԱՅԱՍՏԱՆԻ ՇՐՋԱՆՆԵՐՈՒՄ

ՆՈՅԵՄԲԵՐԵԱՆ - Մայիսի 7ի կեսօրին, Նոյեմբերեանի Ոսկեպար գիւղից, որը վերջին օրերին գտնուում է խորհրդային զօրքերի շրջափակման մէջ, դուրս են բերուել 13 զոհուած հայորդիներ: Նրանցից 10ը Նոյեմբերեանի ոստիկաններ են, մէկը՝ Կիրովականի երկրապահ վաշտից, 2ը՝ Աշտարակի երկրապահ ջոկատի մարտիկներ: Գիւղի անյայտ կորել են մօտ 20 մարդ: Վիրաւորների քիւր հասնում է տասնեակների: Շրջափակումը շարունակուում է: Ոսկեպար գիւղ է ժամանել Ռուսաստանի Գերագոյն խորհրդի պատգամաւորների մի խումբ: Պատգամաւորների մէկ այլ խումբ գտնուում է Բերդաւանում:

Դեասնտ է իջեցուել Բարեկամաւան եւ Բերդաւան գիւղերում: Պայքեցուել է Կատար սարի զագաքին գտնուող հեռուստաաշտարակը:

Ոսկեպարի (հայկական) եւ Ներքին Ախիպար (աղբրբեջանական) գիւղերի շրջակայքում դիրքաւորուում են դեսանտային զօրքերը:

ԿԱՊԱՆ - Ժամը 12:00: Առաւօտից սկսած շրջանի սահմանամերձ Դալիք Բէկ, Կաղնուտ, Ուժանիստ եւ մնացած գիւղերում յայտնուել են դեսանտային զօրքեր, որոնց գործողութիւնները ապահուում են գիւղերի վրայ բռնող ուղղաթիւները: Զօրքը կրակահերթերով շարքից հանել է Կապանի հեռուստաաշտարակը, խափանուել է նաեւ Դալիք Բէկ գիւղի անդրադարձիչը:

Գորիսից հրասայլերի մի շարասիւն է շարժուում դէպի Կապան:

Զէնքի փորձարկման ժամանակ վիրաւորուել են 6 եւ զոհուել է մէկ մարդ՝ Համլետ Քոչարեանը:

ԱՐՏԱՇԱՏ - Ժամը 12:00: Ամբողջ գիշեր եւ առաւօտեան երեւանից դէպի Արտաշատ գնացող ճանապարհին եւ Արտաշատ քաղաքում կատարուում են զինուորական տեխնիկայի եւ զօրքի տեղաշարժեր: Գիշերը դրանք ուղկցուում էին հզօր լուսարձակներով: Զինուորները լրիւ սպառազէն են եւ մարտական առաջին պատրաստականութեան:

Կիրովական - Մայիսի 7ի առաւօտեան միլիցիայից ստացուած չճշտուած տուեալներով, Ոսկեպարում վիճակը շատ ծանր է, պահակակէտերից տարանջատուում են հերթապահները, կայ լուր, որ գիւղում գտնուող միլիցիայի ջոկատը յանձնել է զէնքը, 6 պատանդ է վերցուել: Երկրապահ ջոկատը (բոնցֆամարտիկ Սամսոն Խաչատրեանի ղեկավարութեամբ) դեռեւս ոչ մի տեղեկութիւն չի հաղորդել իր մասին:

Երէկ ժամը 15ին Կիրովական բերեցին յատուկ գնդի վաշտի զինուոր՝ 23 ամեայ Իւրա Թամազեանի ղիակը, որը զոհուել էր Զուջաւան-Դոստլու (Բարեկամաւան) հաստուածում, առաւօտ լուսադէմին: Սահմաններից ետ են քաշուել «Նժդեհ» ԱԽՄԻ եւ «Զօրաւար Անդրանիկ» ջոկատները: Այսօր պատրաստուում էր այնտեղ մեկնել Կիրովականի միլիցիայի նոր ջոկատը:

Կիրովականի ՀՀՇ վարչութեան անդամները եռանդուն լուրեր են տարածում, որ ամբողջ Հայաստանում դեսանտ են իջեցնելու, այդ քում նաեւ Կիրովականում: